

**ՈՐՈՇԻՉ-ՈՐՈՇՅԱԼԻ ՀԱՐԱՔԵՐՈՒԹՅԱՄԲ ԲԱՂԱԴՐԻՉՆԵՐՈՎ
ԲԱՐԴՈՒԹՅՈՒՆՆԵՐՆ ԱՐԴԻ ՀԱՅՆԵՐՆԵՐՈՒՄ**

ՌՈՋԱ ՄԿՐՏՁԱՆ

Հայերենի բարդությունների բաղադրիչների շարահյուսական հարաբերությունը լինում է ստորադասական և համադասական¹։ Ստորադաս բաղադրիչներով բարդությունների մեջ ղգալի տեղ են գրավում որոշիչ-որոշյալի շարահյուսական հարաբերությամբ բաղադրիչներ ունեցող բարդ բառերը, որոնց վերջին եզրը սովորաբար գոյական է, իսկ առաջին բաղադրիչը կարող է արտահայտված լինել գոյականով, ածականով, թվականով, դերանունով, դերբայով, որոնք, լրացնելով երկրորդ բաղադրիչին, արտահայտում են վերջինիս ցույց տված առարկայի հատկանիշը։

Բաղադրիչների որոշիչ-որոշյալի հարաբերություն ունեցող բարդությունների որոշվող (երկրորդ) բաղադրիչը իմաստային տեսակետից գերադաս է առաջին բաղադրիչի նկատմամբ և ցույց է տալիս հասկացությունների այն շրջանակը, որին պատկանում են մեծող բարդությամբ արտահայտված ավելի նեղ ժավալով հասկացությունները։ Այլ կերպ ասած, բարդության հիմնական բաղադրիչը հաճախ ունենում է լայն, ընդհանրացնող իմաստ՝ արտահայտելով ավելի լայն հասկացություն, քան ամբողջ բարդ բառը։ Որոշող հասկացությունն էլ (բարդության առաջին բաղադրիչը) կարող է ունենալ ընդհանուր վերացական նշանակություն։ Այդ ընդհանրությունը կրում է այլ բնույթ, այնքան, որքան այստեղ խոսքը վերաբերում է ոչ թե շատերի համար ընդհանուր հատկանիշի հասկացությանը, այլ հատկանիշին, որը կարող է որևէ տեսակետից բնորոշել հասկացությունների մի ամբողջ շարք, կոնկրետացնելով վերջիններիս իմաստը և նեղացնում է դրանց ժավալային ընդգրկումը։ Այսպես, հաշտեցնել բարդության երկրորդ բաղադրիչը ցույց է տալիս, որ տվյալ առարկան, որն արտահայտված է բարդությամբ, պատկանում է սենյակների դասին, իսկ առաջին բաղադրիչը նշում է տվյալ սենյակի՝ ճաշելու համար նախատեսված լինելը։

Հիշյալ բարդությունների ձևաբանական վերլուծությունը հնարավորություն է տալիս որոշիչ-որոշյալ ընդհանուր կաղապարի մեջ առանձնացնել մի քանի մասնակի կաղապարներ.

ա) Գոյական-գոյական, որով կազմված բարդություններում գոյականով արտահայտված առաջին բաղադրիչը կատարում է որոշիչի դեր և ցույց է տալիս որոշյալի որևէ հատկանիշը։ Այսպես, օրինակ՝ ցախավել, առձաքավառս, լուսաստղ, երկաթուղի, կինոնկար, ֆաբրիկա, ֆաբրիկա, տուն-թանգարան, գայլախոտ և այլն։ Գոյական որոշիչ ունենալով մի շարք բարդություններ, որոնց մեծ մասը բառապատճենումներ են, իսկ առանձին դեպքերում նաև փոխառու-

թյուններ. ինչպես՝ ցուցահանդես-վանաոճ. ֆիլմ-օպերա. բժիշկ-թերապևա. կինոթատրոն, վագոն-ռեստորան և այլն:

բ) Շատ տարածված են ածական-գոյական բաղադրությամբ բարդությունները, որոնց բաղադրիչները նույնպես նախորդների նման կապված են որոշիչ-որոշյալ հարաբերությամբ²: Ընդ որում, առաջինն արտահայտում է առարկայի որևէ հատկանիշ, իսկ երկրորդը՝ առարկան կամ առարկայացված հասկացություն, որն ունի առաջին բաղադրիչով արտահայտված հատկանիշը: Այսպես, օրինակ՝ գանգրաներ, խստաղեմ, բարեխիղճ, լայնաթիկունք, բարեձև, բթամիտ, սրամիտ և այլն:

Ածական որոշիչ ունեցող բարդություններում հնարավոր է, որ նույն բառը որպես որոշիչ հանդես գա մի շարք բարդություններում, ինչպես՝ սևահեր, սևամորուք, սևապոչ, սևազգեստ, սևահող, սևամորթ, սևսիրտ և այլն:

Այս երևույթը բացատրվում է ածականի լայն իմաստային ընդգրկմամբ, որը հնարավոր է դարձնում միևնույն ածականի զուգորդումը տարբեր գոյականների հետ, իսկ այդ նշանակում է, որ միևնույն ածականի արտահայտած հատկանիշը կարող են ունենալ տարբեր առարկաներ: Այսպես՝ նուրբ կարող է լինել դեմքը (նրբադեմ), կազմվածքը (նրբակազմ), իրանը (նրբիրան) և այլն:

Մյուս կողմից, նույն բաղադրիչի տարբեր բարդություններում հանդես գալը վկայում է, որ տարբեր հասկացություններ կարող են ունենալ ընդհանուր հատկանիշներ: Որքան շատ է նույն բառը հանդես գալիս որպես որոշիչ, այնքան լայն է այն հասկացության շրջանակը, որը բնորոշվում է նույն հատկանիշով:

Հնարավոր է նաև, որ միևնույն որոշյալը լինի բարդության հիմնական բաղադրիչ տարբեր բարդ բառերում և բնորոշվի տարբեր որոշիչներով. ինչպես, օրինակ՝ նալ բառով կազմվում են մի շարք բարդություններ (տիեզերաձուլ, սուզանալ, մոտորանալ, օդանալ, շոգենալ և այլն), սենյակ բառով (ննջասենյակ, հյուրասենյակ, առանձնասենյակ, ճաշասենյակ և այլն):

Այս և նախորդ դեպքը վկայում է որոշիչ-որոշյալ կաղապարի լրացուցիչ բառակազմական հնարավորությունների և բառաբարդման տեխնիկայի ճկունության մասին:

գ) Բարդության գոյականով արտահայտված բաղադրիչի որոշիչը կարող է լինել թվական և արտահայտել երկրորդ բաղադրիչով նշանակած առարկաների, երևույթների քանակը, ինչպես՝ միադեմ, երկանիշ, երկսեռ, եռահատուր, հնգաթև, հնգամառտ, վեցնիստ և այլն:

դ) Որոշիչ-որոշյալ շարահյուսական հարաբերությամբ են կապված նաև դերանուն-գոյական կաղապարով կազմված մի շարք բարդությունների բաղադրիչները, որոնցից դերանունով արտահայտված բաղադրիչը (եթե ցուցական դերանուն է) կարող է մատնացույց անել երկրորդ բաղադրիչով նշանակած առարկաները, երևույթները տարածական ու ժամանակային հարաբերությամբ՝ այսօր, նույնաձև, այդժամ, այդօրինակ, այսկերպ, այդկերպ և այլն: Իսկ երբ բարդության որոշիչ բաղադրիչները անորոշ ու հարաբերական դերանուններ են, ապա այդ դեպքում առարկաների և որպես այդպիսին մտածված երևույթների հատկանիշները ցույց են տրվում անորոշ, ինչպես՝ այլադեմ, ինչկերպ, ուրտեղ, ուրչափ, այլկերպ և այլն:

² Հմմտ. Ա. Մուրվալյան, Հայոց լեզվի բառային կազմը, Երևան, 1955, էջ 234:

ե) Արդի հայերենում կենսունակ են նաև բայահիմք + գոյական և դերբայ + գոյական կառուցվածք ունեցող բարդությունները. ինչպես՝ ննջասենյակ, նաշասենյակ, հյուրասենյակ, վառելավայտ, գրատախտակ, խաղահրապարակ, խաղաղաշտ, մարգասահ, սալահատակ, ծխախոտ և այլն: Նման բարդություններում գործ ունենք անորոշ դերբայի սեռական հոլովածների հետ, որոնք բաղադրության մեջ ամենատարբեր կողմերից բնութագրում են բազմազան իմաստներ ունեցող առարկաներ:

Ինչպես երևում է վերևում շարադրվածից, մեծ մասամբ որոշիչ-որոշյալի հարաբերությամբ կապված են ածական + գոյական կաղապարով կազմված բարդ բառերը, որոնք ղգալի թիվ են կազմում որոշիչ-որոշյալ ընդհանուր կաղապարով կազմված բարդությունների մեջ: Դա բացատրվում է գոյականի հետ ածականի շատ ակտիվ զուգորդելիությամբ:

Այս կաղապարով կազմվում են.

ա) Նոր գոյականներ. վերնագգեստ, վերնաշապիկ, վրան-թիկնոց, տուն-թանգարան, հնգավյակ, հնգամարտ և այլն:

բ) Ածականներ. փնջաթև, գեղածալիտ, լայնեզր, դառնահամ, կարմրատուտիկ, ռսկեվարս, փափուրտ, բարեդեմ, չարամիտ, բարեսիրտ և այլն:

գ) Դերանուններ. այստեղ, այդտեղ, այնտեղ, այսչափ, այդչափ, այնչափ և այլն:

Որոշիչ-որոշյալ բառակազմական կաղապարն ունի իմաստային նշանակություն: Նրանով կազմված բարդություններում առաջին բաղադրիչը կոնկրետացնում է հրկրորդ բաղադրիչի արտահայտած իմաստը, որն ավելի լայն է, քան առաջին բաղադրիչինը: Որոշիչը բնութագրում է որոշյալին այս կամ այն (ներքին և արտաքին հատկանիշի) տեսակետից: Նման բարդություններում առաջին բաղադրիչը ցույց է տալիս, թե ի՞նչ տեսակետից է դիտվում, առանձնացվում տվյալ առարկան, երևույթը, որի հետևանքով բարդ բառն ստանում է նոր իմաստային երանգավորում, քան ունեն նրա բաղադրիչները և արտահայտում է այլ հասկացություն: Հիմնականում որոշիչ-որոշյալ շարահյուսական փոխհարաբերությամբ բաղադրիչներով բարդություններն արտահայտում են հատկանիշներ և այդ հատկանիշները կրող առարկաներ՝ լայնաթիկումֆ, սևազգեստ, կապուտաշյա, միակն, երկսեռ և այլն:

Որոշիչ-որոշյալ կապակցությամբ բաղադրիչներ ունեցող բարդությունների մեջ առաջին բաղադրիչը մի ընդհանուր իմաստային դաշտ է, որը կարելի է անջանել հատկանիշի դաշտ: Հնարավոր է առաջին բաղադրիչը ներկայացնել ավելի նեղ ընդգրկում ունեցող իմաստային դաշտերով, որոնք կարող են ցույց տալ հատկանիշների տարատեսակները: Ընդ որում, որոշիչ-որոշյալ շարահյուսական հարաբերությամբ բաղադրիչներ ունեցող բարդության կազմիչները տարբեր կերպ են կապվում իմաստային դաշտերի հետ, և բոլոր բարդությունները չէ, որ կարող են ունենալ իմաստային դաշտերի հեշտությամբ բաժանվող բաղադրիչներ: Իմաստային դաշտերի հեշտությամբ բաժանվող խմբերի մեջ կան մի շարք օրինաչափություններ: Առաջին, ուսումնասիրվող կաղապարի մեջ ընդգրկվող բարդությունների առաջին բաղադրիչները կարող են բնութագրել առարկան արտաքին հատկանիշների տեսակետից: Դրանք կարող են պատկանել.

ա) Գույների դաշտին և բնութագրել իրենց գերադաս անդամով ներկա-

յացվող առարկան գույնի տեսակետից. ինչպես՝ կարմրաթև, դարչնագույն, ներմակակուրծի, սևապուշ, դեղնամուրճ, սպիտակամուրճ, կապուտաշյա և այլն:

բ) Ծավալի դաշտի մեջ ընդգրկվող ածականները կարող են արտահայտել առարկայի կամ երևույթի ծավալային հատկանիշներ. լայնաթիկունք, մեծամարմին, մեծամիտ, լայնեզր, բարձրավանդակ, բարձրահարկ, հաստամարմին, փոքրամարմին, վիթխարածավալ, լայնածավալ և այլն:

գ) Առարկան կամ երևույթը արտաքին այլևայլ հատկանիշների տեսակետից բնութագրող որոշիչներ. սիրունահեմ, սիրունաանաս, գեղեցկադեմ, զանգրահեր, գեղաժպիտ, գեղատեսիլ, սրածայր, ծուռթաթ և այլն:

Իսկ բարդ բառերի կազմի մեջ մտնող մի շարք որոշիչներ կարող են ցույց տալ առարկաների ներքին հատկանիշներ. բարեսիրտ, բարեհոգի, բարեհամբույր, ազնվահոգի, ազնվասիրտ, շահամիտ, տաճարյուն, սլաղարյուն և այլն:

Առարկաների ներքին հատկանիշներ ցույց տվող բաղադրիչներ ունեցող բարդությունների մի այլ խմբի մեջ առաջին բաղադրիչը կարող է պատկանել համի իմաստային դաշտին և ցույց տալ որոշվող առարկայի ինչպիսի համ ունենալը՝ անուշահամ, փաղցրահամ, թթվահամ, դառնակաթիլ, դառնակոճիզ, թթվասեր և այլն:

դ) Թվականները կարող են մտնել քանակ ցույց տվող իմաստային դաշտի մեջ, և բարդության թվական բաղադրիչը կարող է արտահայտել առարկայի քանակական կողմը. հնգաթև, հնգամյակ, եռանկյուն, վեցնիստ, երկկողմ, յոթնամյակ, հնգամարտ և այլն:

ե) Ուրիշ որոշիչներ բնութագրում են առարկան գտնվելու տեղի տեսակետից. վերնաշապիկ, վերնահարկ, ներինաշապիկ, ներհնահարկ, մեջտեղ, բարձրավանդակ, բարձրահոն, վերնաշերտ և այլն:

Որոշիչ-որոշյալ կաղապարով կազմված բարդությունները կարելի է բանալ առարկաներ և առարկաների հատկանիշներ նշանակող բարդությունների:

Առարկաներ ցույց տվող բարդություններն իրենց հերթին կարող են ունենալ հետևյալ ենթատեսակները.

ա) Թանձրացական հասկացություններ արտահայտող բարդություններ. գայլախուռ, տուն-թանգարան, վառելավայր, հյուրասենյակ, վերնագգեստ, թոփշուղի, կիճոնկար, գաղթօջախ, թթվասեր և այլն:

բ) Վերացական հասկացություններ արտահայտող բարդություններ. կիսամյակ, եռամսյակ, հնգամարտ, բոնցֆամարտ, հեծանվավազ և այլն:

Առարկաների հատկանիշներ ցույց տվող բարդություններն արտահայտում են.

ա) Առարկաների արտաքին-ձևային հատկանիշներ. ծուռթաթ, սրածայր, լայնաթիկունք, հաստաքագույլ, զանգրահեր, գեղածև և այլն:

բ) Գունային հատկանիշներ. սևամուրճ, արյունագույն, կարմրաթև, ծյունաթաթիչ, կապուտաշյա, սևահեր և այլն:

գ) Առարկաների ներքին հատկանիշներ. փաղցրահամ, փաղցրամատ, փաղցրաբլիթ, անուշահամ, մեղրահամ, դառնակոճիզ, թթվահամ և այլն:

դ) Մարդկանց մտավոր-բարոյական հատկանիշներ. փառսիրտ, սրամիտ, փաղցրալեզու, բթամիտ, բացսիրտ, մեծահոգի, մեծամիտ, վոճրոգի:

բ) Քանակական հատկանիշ, ինչպես նաև կարգ. ճնգաթև, երկսեռ, վեց-նիստ, եռանկյուն, եռանատուր առաջնակարգ և այլն:

գ) Տարածական ու ժամանակային հարաբերության մբ հատկանիշ ցույց տվող բառեր. այստեղ, այնտեղ, այդտեղ, նույնտեղ, այսժամ և այլն:

է) Անորոշ կերպով առարկայի հատկանիշ ցույց տվող բարդ բառեր. ավա-ծև, այլակերպ, այլադեմ, այլասեռ, այլագգի, այլացեղ և այլն:

Որոշիչ-որոշյալի շարահյուսական փոխհարաբերության մբ բաղադրիչներով բարդությունների շարահյուսական փոխակերպները շատ հաճախ արտահայտ-վում են բարդ ածանցավոր ու նկարագրական ձևերով. այսպես, օրինակ՝ ծխա-խոտ → ծխելու խոտ, բարեսիրտ → բարի սրտով, բարի սիրտ ունեցող, հնգա-թև → հինգթևանի, հինգ թեքեր ունեցող և այլն:

Բարդ բառերի և նրանց համապատասխան բառակապակցությունների (ե-թե դրանք կան) իմաստային մերձավորությունը բացահայտելու որևէ օբյեկտիվ չափանիշ չկա: Այդ պատճառով, նման դեպքերում միշտ դիմում ենք ինտուի-ցիային, որի հետևանքով բարդ բառերի շարահյուսական փոխակերպները կա-րող են լինել մեկից ավելի: Մի շարք բարդություններ իմաստափոխված են կամ ունեն ադպիսի բաղադրիչներ: Դրանց շարահյուսական համարժեքները բացահայտելիս չպետք է բավարարվել ուղղակի փոխակերպներով, այլ ան-հրաժեշտ է տալ լրացուցիչ բացատրություններ:

Իմաստափոխված բարդությունների մեջ զգալի տեղ են զբաղում մարդիկ, կենդանիներ, բույսեր անվանող բարդությունները: Ընդ որում, այդ անվանում-ները տրվում են նրանց այս կամ այն հատկանիշի (հագուստի, բնավորության, մարմնի կամ որևէ մասի, գույնի և այլն) հիման վրա և ունենում են որոշակի սուբյեկտիվ երանգավորում: Նշենք դրանցից մի քանիսը. բացբերան, ծու-թաթ, կարմրատոտիկ, երկաբականջ, սևապոչ, կարմրափորիկ, ճերմակա-կուրծք, կարճատոտիկ, կարմրակտուց, մկրատապոչ և այլն: Սրանք հիմնա-կանում օգտագործվում են խոսակցական լեզվում և ունեն ոճական նշանա-կություն:

Դրական լեզվում որոշիչ-որոշյալ կաղապարով կազմված բարդ բառերի ոճական կիրառությունները հավաստելու նպատակով բերենք մի քանի բնա-գրային օրինակներ. «Այն օրվանից աշխարհ եկան կակաչները սրտասև...» (ՀՇ, ՍԽ, էջ 100): «Զյունաթարթիչ թաց աչքերից աղբյուրներ է հանում նա...» (ՀՇ, ՍԽ, էջ 6): «Ու վեր ելավ Սիամանթոն իր հոտի հետ դառնաձայն...» (ՀՇ, ՍԽ, էջ 7): «Արագածի, Արարատի հայացքի դեմ սգավոր, Սև տուֆակերտ մի պալատի տրամանադես դահլիճում, Պառկած էր նա...» (ՊՍ, ԱԶ, էջ 260):

Որոշիչ-որոշյալի հարաբերության մբ բարդությունների մեջ կարող է իմաս-տափոխվել.

ա) Առաջին բաղադրիչը. ինչպես՝ փաղցրալեզու, դառնաժպիտ, ախրանուն, օյունաթարթիչ, դառնաձայն, տրամահանդես, սևասուգ և այլն:

բ) Երկրորդ բաղադրիչը (որը ավելի քիչ է հանդիպում). ինչպես՝ յոթնա-ծուխ, գաղթօջախ և այլն:

գ) Ամբողջ բարդությունը. ինչպես՝ պարզերես, բացնակատ, երկաբականջ, բացբերան, ծակաչք, պաղարյուն, տափարյուն և այլն:

Ուսումնասիրվող բարդ բառերի բաղադրիչների հարաբերությունը կարող է հանգեցվել որոշվող անվան և որոշող որևէ խոսքի մասի (գոյական, ածական, դերանուն, բայ) շարահյուսական հարաբերությանը, որն ավելի ցայտուն է.

դարձնում բարդ բառի և բարդությունների կազմող բառերից բաղկացած բառակապակցությունների իմաստային մերձավորությունը. ինչպես, օրինակ՝ արծաթափայլ — արծաթի փայլով, արծաթի փայլ ունեցող, թթվասեր→ թթվեցրած սեր, կարմրատոտիկ → կարմիր տոտիկներով, կարմիր տոտիկներ ունեցող և այլն: Սակայն վերջին ասվածը չի վերաբերում այն բարդ բառերին, որոնց առանձին բաղադրիչները իմաստափոխված են. ինչպես՝ գաղթօջախ, յոթնածուխ, դառնաձայն, փաղցրալեզու, արծաթավարս, փարսիք, տխրանում և այլն, ինչպես նաև այն բարդություններին, որոնք ամբողջությամբ են վերափոխվում (պարզերես, բացնակատ, ծակաչի և այլն): Նշված բարդություններում բարդ բառերին համապատասխանող բառակապակցությունների իմաստային մերձավորությունը դժգունացած է:

Վերջին օրինակներում, ինչպես նաև բոլոր այն դեպքերում, երբ գործունենք որոշիչ-որոշյալ կապակցությամբ բարդությունների հետ, միշտ իմաստային ծանրաբեռնվածությունն ընկնում է որոշվող բաղադրիչի վրա, իսկ որոշող բաղադրիչի դերը սահմանափակվում է որոշվող բառի հատկանիշը ցույց տալով:

Որոշիչ-որոշյալ կաղապարով կազմված բարդ բառերը կենսունակ են ժամանակակից հայերենում, նրանցով կազմվել և կազմվում են բազմաթիվ բարդություններ, որոնք հանդես են գալիս գոյականների, ածականների, դերանունների համակարգերում և հարստացնում են հայերենի բառապաշարը:

ՀԱՄԱՌՈՏԱԳՐՈՒԹՅՈՒՆՆԵՐ

ՀՇ, ՍԽ—Հովհաննես Շիրազ, Սիմանյոն և Խչեղարի, Երևան, 1970:

ՊՍ, ԱԶ—Պարույր Սևակ, Անլույի զանգակատուն, Երևան, 1966:

СЛОЖНЫЕ СЛОВА ТИПА ОПРЕДЕЛЯЮЩЕЕ — ОПРЕДЕЛЯЕМОЕ В СОВРЕМЕННОМ АРМЯНСКОМ ЯЗЫКЕ

РОЗА МКРТЧЯН

Резюме

Данный тип словообразования с подчинительным отношением компонентов довольно продуктивен в современном армянском языке. Определяющий компонент в подобных конструкциях уточняет и конкретизирует значение определяемого компонента, выражая его внешние и внутренние свойства. По данной модели образуются как имена существительные, так и прилагательные, местоимения и наречия.

Отношения этих компонентов могут быть выражены в виде синтаксической связи между определяемым именем и какой-либо определяющей частью речи. Это обстоятельство ярко демонстрирует семантическую близость сложных слов и соответствующих им словосочетаний при условии, если сложное слово и его компоненты не претерпели семантических изменений.